



Nuuk, 14. Oktober 2015

Inatsisartut Suleriaasianni § 37 naapertorlugu Naalakkersuisunut meeqqanut inuusuttunullu inatsisissamut tunngasumik apeqquteqarpunga.
(Inatsisartunut ilaasortaq Agathe Fontain, Inuit Ataqatigiit)

Apeqqutit:

1. Qaqugu Pisortanut ikorsiissutit pillugit inatsit nutarterneqassava, nutaamilluunniit Naalakkersuisut saqqummiussissappat? Ukioq suna? Ataatsimiinneq sorleq?

Naalakkersuisut akissummi § 37, nr. 241 –mut akipput: "Naalakkersuisuttaaq isumaqarput inatsit sulilernissamut kajumissuseqartitsilersillugu suliarineqassasoq. Inunnut pisariaqartitsivissortunut taamaallaat pisortat ikorsiissutaat tunniunneqartartussanngorlugu inatsit suliarineqassaaq.

Tamakkua saniatigut inatsit ilusilersorneqassaaq siunnerfeqarluni siunertanut atugassanngorlugu - tassalu inuit imminnut pilersorsinnaasunngorlugit aamma inatsit aqqutigalugu ineqarnermut il. il. akiliuteqartarnikkut akisussaaffeqarnerunissaq anguniarlugu."

2. Imaappa, Naalakkersuisut massakkut Pisortanut ikorsiissutinut Peqqussut, inunnut kajumissuseqalersitsinngitsoq?
3. Naalakkersuisut, inuit Pisortat ikorsiissutaannik pisinnaatitaaffeqarlutik aningaasanik ineqarnerminnut akiliutissaminnik kommuneniit tunineqaannartarnerat, Inatsisissami allanngortinniirpaat?

Tunngavilersuut:

§ 37-mi nr. 241 akissutisiakka, nutaamik aperinissannik pisariaqartitsilerput. Matumuuna ersarissumik akisinaanissarsi periarfissippara.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.